

Wi bastelt en Hollerkeed

Schleswig-
Holsteinischer

HEIMAT
BUND

Holler is en fein Holt. Een kann licht dat Mark ut de Twiegen pulen, un denn is he binnen holl. Ok de Rinn geiht licht af. Ahn veel Möög kann een Piepen, Blaasrohren oder Stifthülsen ut Holler basteln. Hier kümmt en Vörslag för Smuck ut Holler.

Dat bruukt wi:

- En frischen Hollertwieg (Dörchmeter üm un bi twee cm)
- En lütte Saag, de Kinner goot hanteren köönt
- Bi lütte Kinner: En lütte Schruuvdwing
- En Prökel (lütten Bastelbohrer, lütt Rieviesen, Stück Wier, Schruvendreihier oder so wat)
- Sliappapeer (nich to groff)
- En Löötkolben
- Faden

Dat maakt wi:

1. Afsagen un Pulen

Vun den frischen Hollertwieg (Dörchmeter üm un bi twee cm) saagt wi en Schiev af. Dat geiht lichter, wenn wi den Twieg mit de Schruuvdwing an den Disch fastmaakt.

Mit den Fingernagel schellt wi achteran de Rinn un allens, wat gröön is, af.



2. Prökeln un Sliepen

Mit den Prökel kleit wi dat weke Mark ut de Holtschiev.

Dorbi warrt ut de Holtschiev en Holtring.

Naast sliipt wi den Holtring op dat Sliappapeer, bet he an beide Koppseiten fein week un glatt is. Ok an de Kanten dinken!



3. Smuckmaken

Mit en Löötkolben brinnt wi Punkten, Streken, Muster un Teken in den Holtring rin. Achtung hitt! Den Löötkolben blots an sien Greep anfaten! Un kaam nich mit de Löötspitz an de Finger vun de anner Hand!

Dat is weniger gefährlich, wenn wi den Holtring in de Schruuvdwing inklemmt. Denn könnt wi em mit de Dwing fastholen.



4. Optrecken

Wi treckt den smuckmaakten Holtring op en Faden, den een sik locker üm den Hals binnen kann. Torecht is de Keed.

Hett dat Spaaß maakt? Denn maak noch mehr smucke Holleranhänger för Dien Keed.



Dat mööt wi in't Oog hebben:

Kinner dörvt nich alleen mit Saag un Löötkolben hanteren. Düsse Bastelee mutt ünner Opsicht vun wussen Lüüd maakt warrn. Wokeen sik na düsse Anleiten richt, de deit dat op egen Verantwoorten. Schön sinnig arbeiden, un de Ogen alltiet bi de Hannen!

Autor:

Jan Graf, Referent för Nedderdüütsch un Freesch bi'n Sleswig-Holsteenschen Heimatbund
0431 / 98384-15, j.graf@heimatbund.de
www.heimatbund.de